

玉海



040
1000:26
34834

玉海卷第六十一

浚儀王應麟伯厚甫

藝文

奏疏 策

唐虞之臣敷奏以言秦漢之輔上書稱奏奏者進也敷下情進于上也

周奏事

周禮宰夫掌敘群吏之治以待諸臣之復萬民之逆注復謂於朝廷奏事逆謂上書大僕堂諸侯之復逆注鄭司農云復謂奏事也逆謂受下奏御僕掌

群吏之逆及庶民之復

秦奏事

漢志春秋類奏事二十篇秦時大臣奏事及刻石名

山文

七國未變古式言事於王皆稱上書秦初改書曰奏

漢高帝時奏事

高紀五年高起王陵對注臣瓚曰魏相邴吉奏高帝時奏事有將軍臣陵臣起

列傳周昌嘗燕入奏事田蚡爲丞相入奏事語移

日石建奏事上前屏人言切至公孫弘朝覲奏

事因言國家便宜

見嚴助傳

汲黯武帝坐武帳黯前奏

事 張湯每朝奏事語國家用日旰天子忘食使兒
寬為奏 蕭望之疏令公卿大臣朝見奏事明陳其
職

漢賈山至言

賈山傳文帝時言治亂之道借秦為諭名曰至言大
梁謂聖主以和顏受諫而興秦以不聞過失而亡時
文二年冬十一月癸卯日食詔舉直志儒家賈山
言極諫通監綱目賈山上書附是月

漢董仲舒上疏

董仲舒傳仲舒所著皆明經術之意及上疏條教凡

百二十三篇

漢地節群臣封事

漢上封事

劉更生

封事 唐上封事

宣紀地節二年五月上始親政事而令群臣得奏封事以知下情五日一聽事自丞相以下各奏職奏事以傳奏其言

魏相傳因許伯奏封事言春秋譏世

卿今光死子復爲大將軍昆弟諸壻據權勢在兵官宜損奪其權又故事諸上書皆爲二封書其一曰副領尚書者先發其副封所言不善屏去不奏相復因許伯白去副封以防雍蔽詔皆從其議又上封事薦

張安世宜尊其位爲大將軍子延壽領宿衛

蕭望

之傳地節三年京師雨雹望之因上疏拜爲謁者時

上初卽位思進賢良多上書言便宜輒下望之問狀

高者請丞相御史次者中二千石試事滿歲以狀聞

下者報聞或罷歸田里所白處奏皆可

霍光傳霍

山領尚書上令吏民得奏封事不關尚書群臣進見

獨往來霍氏惡之

山雲旣歸第張敞上封事

列傳

趙充國領營平守節婁奏封章

蓋寬饒奏封事

劉更生上封事推春秋災異以救今事不宜宣泄臣

謹重封上

通監元帝永光元年

谷永三上封事然後得召

京房以建昭二年二月朔上封事 王嘉封還詔書

奏封事諫 王章奏封事言日食 翼奉上封事又

因舉直言極諫奏封事

後紀建武以後多因災異令百寮各上封事建武十年三月

詔百寮上封事其光武二建武六年十月丁丑以

上書不得言聖九月丙寅晦日食七年三月以三月癸亥晦日食明

帝一 永平八年十月壬寅晦日食詔羣臣極言無

諱於是是在位者皆上封事言得失帝覽章深自引咎

以所上班示百官章帝一 永平十八年十一月甲辰

晦日食和帝一 永元七年四月辛亥朔日食引見公

卿問得失令將軍大夫御史謁者博士議郎郎官會

廷中各言封事 **安帝**一 建光元年十一月己丑地震

順帝一 永和元年正月乙卯日變地搖 **中帝**一 建康

元年九月地震水涌 **桓帝**二 建和元年四月地震延

熹五年正月乙亥地震 **靈帝**三 建寧元年五月丁卯

朔日食二年四月雨雹四年二月詔公卿至六百石

各上封事 **傳郭躬章和元年上封事** **劉儒桓帝**

時災異求直言儒上封事十條極言得失 **蔡邕熹**

平六年詔群臣各陳政要邕上封事

晉武帝太康七年正月甲寅朔日食乙卯詔公卿大

臣各上封事元帝大興元年十一月雷雨詔群公卿士各上封事二年五月大饑十二月大赦並詔百官上封事唐貞觀三年六月以旱蝗詔百辟上封事

十一年七月以水災詔百寮上封事

八月甲子魏徵奏曰今之封事

謗木之流也又見後詔百官言事

永徽五年正月以旱詔京文武九

品已上及朝集使進封事咸亨元年十月命五品已

上上封事開元十四年六月以旱命百官及州縣長

官上封事乾元元年四月詔京官九品已上上封事

二年三月詔昔公卿面諫令僕陞奏所以下竭其忠

上聞其過兩省官十日一上封事直論得失上元二

年九月令諫官每月二上封事廣德元年七月同二年三月詔曰爲政者宣之使言作事者稽之於衆上封事者宜令尚書省詳議可否大曆八年八月貞元四年正月六年閏四月以旱順宗卽位正月元和十五年二月穆宗卽位大和元年正月六月開成元年正月一日並詔上封事

漢便宜章奏

列傳魏相爲丞相

地節三年六月

上書諫擊匈奴

元康二年

相明

易經有師法好觀漢故事及便宜章奏以爲古今異制方今務在奉行故事而已數條漢興已來國家便宜

行事及賢臣賈誼朝錯董仲舒等所言奏請施行之
奏故事詔書凡二十三事又數表采易陰陽及明堂
月令奏之引高皇帝所述書相國臣何等議孝文帝
時以二月施恩惠頗非時節朝錯爲太子家令奏言
其狀或有逆賊風雨災變郡不上相輒奏言之相數
陳便宜上納用焉 蕭望之宣帝思進賢良多上書
便宜 張敞爲京兆朝廷每有大議引古今處便
宜公卿皆服天子數從之 杜延年昭帝時吏民上
書言便宜有異輒下延年平處復奏 匡衡數陳便
宜及朝廷有政議傳經以對

漢公卿奏議 將相論議

成帝紀贊公卿稱職奏議可述 前匈奴傳河平元

年伊邪莫演言欲降下公卿議議者或言宜如故事
受降光祿大夫谷永議郎杜欽以爲不如勿受對奏
天子從之 刑法志孝文將相皆舊功臣少文多質

論議務在寬厚 後祭祀志注東觀書曰永平三年

八月丁卯公卿奏議世祖廟登歌八佾舞名東平王

蒼議云云章帝賜蒼曰云云公卿議駁今皆并送

輿服志注東觀書曰永平二年正月公卿議奏南北

郊東平王議曰高祖制長冠入宗廟光武建明堂立

辟雍陛下以禮服龍衮祭五帝今祭明堂宗廟圓以
法天方以則地服以華文象其物宜天地之禮冕冠
裳衣宜如明堂之制蒼傳與公卿共議定南北郊冠冕車服制度
陳寵爲司空奏議溫粹號爲任職相 第五倫奏議
歸於寬厚 **宋志**侍御史二漢受公卿奏事

漢刺史奏事

後百官志每州刺史一人諸州常以八月行所部郡
國錄囚徒考殿最初歲盡詣京師都奏事中興但因
計吏注胡廣曰歲盡齋所狀納京師名奏事差其遠
近各有常會東觀書曰和帝初張酺上言臣聞王者

法天災感奏事太微故州牧刺史入奏事所以通下
問知外事也數十年以來重其道歸煩撓故將止勿
奏事今因以為故事臣以為刺史視事滿歲可今奏
事如舊典問州中風俗云云

列傳薛宣上疏曰方

刺史奏事時宜明申敕崔方進遷朔方刺史再三

奏事師古曰刺史歲盡輒奏事京師何武為揚

州刺史每奏事至京師武奏事在邸蘇詵

陳遵居長安嘗有部刺史奏事過遵馮野王

上郡太守朔方刺史蕭育奏封事薦言野王

漢群臣書四品

明廣傳文吏試箋奏注漢雜事曰凡群臣之書通於天子者四品一曰章二曰奏三曰表四曰駁議章者需頭稱稽首上以聞謝恩陳事請闕通者也奏者亦需頭其京師官但言稽首言下稽首以聞其中有所請若罪法劾案公府送御史臺卿校送謁者臺也表者不需頭上言臣某言下言誠惶誠恐頓首頓首死一非死罪左方下附曰某官臣甲乙上蔡邕獨斷叙漢制有疑事公卿百官會議若臺閣有正慶而獨執異意曰駁議其合於上意者文報曰某官某甲議可文選注謝恩曰章陳事白表劾驗政事白奏推舉

平論有異事進之曰駁兼謂之上書 劉勰曰漢世
善駁則應劭爲首晉代能議則傅咸爲宗

漢名臣奏

唐志刑法類漢名臣奏二十九卷

隋志三十卷云名臣奏事又有丞相

匡衡大司馬王鳳奏五卷陳壽漢名臣奏事三十卷

中興書目

漢名臣奏二卷一卷孔光元壽二年八月奏篇凡三

一卷唐林在新莽時奏篇凡十 史記河間獻王傳

注引漢名臣奏杜業奏

文選注引杜業奏事

霍光傳注臣瓚

案杜延年奏

藝文志注引漢名臣奏唐林

云云

蔡邕傳注引漢名臣奏張文上疏

文選注引應劭等

議 漢名臣奏曰張禹奏曰案令丞相奏事司直持
案長史將簿中二千石奏事皆與其丞合

漢諸王奏事

唐志故事類十卷

漢南臺奏事

唐志刑法類二十二卷

隋志無漢字

順帝永建元年九月辛亥初令三公尚書入奏事

漢白虎殿對策

成紀

兼杜欽等傳

建始三年十二月戊申朔日食其夜地

震未央宮殿中詔舉賢良方正能直言極諫之士杜